

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին թիվ 1807660544, 1807667677, 1807667692 և 1807667713 որոշումներն անփոփոխ, իսկ վարչական բողոքն առանց բավարարման թողնելու մասին

<<05>> 04 2018թ. 17.4.28630 -18/19.4-5/77

ք.Երևան

ՀՀ ոստիկանության Ճանապարհային ոստիկանության պետ, ոստիկանության գնդապետ Ե.Կարապետյան, վերանայելով Մնացական Մարգարյանի և Արթուր Հովսեփյանի համատեղ դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Քաղաքացիներ Մնացական Մարգարյանը և Արթուր Հովսեփյանը համատեղ դիմումով խնդրել են վերանայել վարչական տույժ նշանակելու մասին թիվ 1807660544, 1807667677, 1807667692 և 1807667713 որոշումները՝ նշելով, որ դրանք կայացվել են օրենքով սահմանված ժամկետների խախտմամբ:

Դիմումի քննարկման արդյունքում պարզվել է, որ դիմումատուների փաստարկը չի կարող վարչական ակտերը վերանայելու հիմք հանդիսանալ հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված Ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> ՀՀ օրենքի 7-րդ հոդվածի 5-րդ մասի համաձայն՝ վարչական իրավախախտումների վերաբերյալ Հայաստանի Հանրապետության օրենսգրքի 32-րդ հոդվածի 3-րդ մասով նախատեսված՝ խախտումն այլ անձի կողմից կատարված լինելու փաստը կարող է ապացուցվել օրենքով սահմանված ժամկետում և կարգով գանգատ (բողոք կամ հայցադիմում) ներկայացնելու միջոցով: Ըստ նույն հոդվածի 7-րդ մասի՝ սույն հոդվածի 5-րդ մասով նախատեսված գանգատ (բողոք կամ հայցադիմում) ներկայացվելու կամ տրանսպորտային միջոցն այլ անձի կողմից վարելու փաստը որևէ այլ կերպ հաստատվելու դեպքերում Վարչական իրավախախտումների վերաբերյալ Հայաստանի Հանրապետության օրենսգրքի 37-րդ հոդվածի 1-ին մասով սահմանված ժամկետը հաշվարկվում է համապատասխանաբար տրանսպորտային միջոցն այլ անձի կողմից վարելու փաստը վարչական, դատական կամ որևէ այլ կերպ հաստատվելու կամ հարցման պատասխանը ստանալու օրվանից:

Վարչական վարույթի ընթացքում հիմնավորվել է, որ վիճարկվող որոշումները կայացվել են վերը նշված օրենքով սահմանված ժամկետներում, հետևաբար դրանք իրավաչափ են և օրինական:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին թիվ 1807660544, 1807667677, 1807667692 և 1807667713 որոշումները թողնել անփոփոխ, իսկ վարչական բողոքն առանց բավարարման:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:

3. Սույն որոշման օրինակն ուղարկել Մնացական Մարգարյանին (հասցե՝ Կոտայքի մարզ, գ.Նոր Գեղի, Ուսանողական փ. 70 շ. 21 բն.) և Արթուր Հովսեփյանին (հասցե՝ ք.Երևան, Դավիթաշեն 2 թաղ. 23 շ. 26 բն.) և ՃՈ ՏՄՀԽԱ կենտրոն:

